

晉城歷史名人文存

吳廣隆 馬甫平 主編

山西出版集團三晉出版社

晉城市三晉文化研究會

西北文集

清 畢振姬 著
第 三 冊

吳廣隆 編審

馬甫平 點校

西北文集

清 畢振姬 著
第 三 冊

晉城市三晉文化研究會
山西出版集團三晉出版社

图书在版编目(CIP)数据

西北文集/(清)毕振姬著;吴广隆编审,马甫平点校.一太原:三晋出版社,2009.7
(晋城历史名人文存)

ISBN 978-7-5457-0089-3

I. 西… II. ①毕… ②吴… ③马… III. 古典文学-作品集-中国-清代

IV. I214.92

中国版本图书馆CIP数据核字(2009)第102520号

晋城历史名人文存·西北文集

著 者:(清)毕振姬

编 审:吴广隆

点 校:马甫平

责任编辑:郝文霞

出 版 者:山西出版集团·三晋出版社

地 址:太原市建设南路21号

邮 编:030012

电 话:0351-4922268(发行中心)

0351-4956036(综合办)

E-mail: sj@sxpmg.com

网 址: www.sjs.sxpmg.com

经 销 者:新华书店

承 印 者:晋城景潮办公用品印制
有限公司

开 本:850mm×1168mm 1/32

印 张:21.125

字 数:200千字

印 数:1-1000套

版 次:2009年7月第1版

印 次:2009年7月第1次印刷

书 号:ISBN 978-7-5457-0089-3

定 价:180.00元(全三册)

版权所有

侵权必究

印装差错

负责调换

西北文集卷九目錄

行狀 一首

明邱大將軍磊行狀 代

.....

(四五七)

誌銘 九首

奉政大夫耀州知州程公暨宜人合葬墓誌銘

.....

(四六七)

給事中張公合葬墓誌銘

.....

(四七五)

知縣張晦之墓誌銘

.....

(四八二)

岢嵐州學正李公暨史孺人合葬墓誌銘

.....

(四九〇)

推官舉人李君墓誌銘

.....

(四九七)

雪訪王君墓誌銘

.....

(五〇三)

西北文集

卷九

行狀 誌銘 墓表

四五六

署岢嵐州學正兼兩王君墓誌銘……………（五〇八）

焦母王氏祔葬墓誌銘……………（五一三）

支離石銘……………（五一八）

墓表
一首

戶部司務陳壺山墓表……………（五一九）

西北文集卷九目錄終

西北文集卷九

清 畢振姬 撰

行狀 一首

明邱大將軍磊行狀 代

吾友大將軍問石邱公逝久矣。以公起儒者，建大將旗鼓，盡瘁以終，稱完節。乃予獨自有感也。予與公生同里，長與家弟扣之司馬善，快哉墳簾伯仲之間矣乎，而罹此感也。先是，公被誣獄急，予使使問之篋輿前，備道公勞苦如平生。驢已左手把杯罍自飲，右手伸紙自爲誌，亡慮數十百言，付使却寄。予時自姑孰以他事至金陵，謀脫公，得公誌大慟。嗟乎！問石公無死友哉！扣之不及爲巨伯，既巨卿我矣。北郭之目未瞑，予將安辭？歸署，

西北文集

卷九 行狀 誌銘 墓表

四五八

數漬酒摩紙背，絃絕露晞草短，則心儀公曲折，如見鬚眉。會案牘災誌焚，以其神燄燄鬱攸之氣，乘雷火攫盡去，誌以火故往，火以誌故來，蓋有之矣。嗟乎！公圻壤踰二十年，從軍前拜大將軍印，受渾江、碣石、東海之任，介馬懸車而爭不能，一得創大敵成南仲吉甫。至於太原之誌者，人也亦天也。弗吊遺謝人間數語亦亡，予負公實甚。獨念公壯猷偉伐，當顯銘鍾卣。傾側擾攘革易之際，度史臣無知者，今又焚其誌不傳，其爲死友乎？清興，大司馬陸海佟公征東粵。佟公，公及門士，雅故相知，比於漁陽妻子之所托，孤兒苟從冶鐵坐府門，今日必復願事吳。如事偃，予不令騎狗過人久矣。公與予兄弟同里，扣之亡，予爲夷吾

舌也。往從公誌儀曲折，公誌之焚與不皆可狀，可狀可誌。以予所知佟公誼至高，因使使求公誌東粵，既以存亡死生矣。不死死者，生者事石銘，鬼物當奏事彭越頭下。嗟乎！問石公無死友哉？公濟南鄒平人，曾祖震，祖木，累世農夫有陰德。再傳至尚德公，即生公而稱贈公者也，三娶至韓夫人乃舉公。公名磊，字元漸，更字問石。修幹美鬚髯頰面，掌平而柔，豪爽有風概，喜任俠，相者訾相當封侯，然火色不壽。小時絕慧，讀書目十行下，自經業外，又喜孫吳兵法。應童子試里中，里中子弟出其下。每投筆不肯竟學，曰：『丈夫安能事章句、弊精神於毫楮，彼磨墨盾頭、勒銘燕然者何人哉！』弱冠棄儒遊山海。當是時，

西北文集

卷九 行狀 誌銘 墓表

四六〇

關以東苦兵事，朝廷思共功名者，當事皆視偉公。所至坐賓舍竟日，語戰守、屯牧、關梁、阨塞要害之地，兵民多少強弱方略，多可用。一時封事中軍國大計皆以公聚米爲圖，朝廷乃得明見三韓之外也。當事自以能不如公遠，多舉公屬大事、當一面，而祖大將軍相與捧手戮力焉。自大敵攻當路塞，諸且渠當戶、名王候月輒得氣，軍吏散降，海上城壘無固誌。公聞聲效勝負，口畫便事，遨遊戰場馬跡間。兵利乍不利意思安閒，軍中更以爲勇，日尊貴，比劇孟隱若一敵國。尋拜度遼專閫外，乘障出塞，簡繕城郭，諸戍軍翳釀化最下者，問死事家田宅，分甘絕少，無大小必以均，以是能得人死力。初發難，人輟耕輕民開口仰東南，懸生

死之命於漕輓。公累世農夫，用焉種旗勸耕作，墾田如地網，且益成戊己之勛。得穀，道無脫巾者。遼用武地，劍槩之聲相聞，頻年女子知兵，俎豆事缺焉。公軍容不入國，親行飲射，廣教化，訓騶御，知禮義，至於律歷、兵刑、水利、屯田、算數，講課以其方。諸生以時雜還於學至千數，蓋卻祭雅歌投壺，說禮樂而敦詩書，受成獻馘雍如也。公造次必於儒者，臨敵乃疾如發機，軍政不嚴而肅，師田俱舉，數歲當天下大難之衝。軍人士各甘其食，安其居，生其共，不至委封疆而失吾尺寸之地，遼以少安。嘗捧檄犒邊兵，日椎牛養士，創病盡起，邊長老猶能道之也。別將守皇城島，無譁，援東牟最，從擊東方盜賊，破其衆。

西北文集

卷九 行狀 誌銘 墓表

西北文集

卷九 行狀 誌銘 墓表

四六二

平度卒當戰道爲多，每幕府上首功對簿，口不言勝，軍中多其不伐，益用命，故所向有成。坐事以遼錦觀軍容使，歸於家。時商丘司農拜司馬，總制七藩援大梁，表公參副將軍，軍與賊夾河戰，先登。賊秦豫十年之逋寇，多殺吏卒，河以南置春磨寨，陷鞏洛而絕陳宋，豫斷爲三，大梁直氣吞焉。公畫爲連壁通樵采，賊來不與戰，去野掠無所得，梁僅存哉！然而四輪之國也，會救梁十餘壁不進，城中乏食，守益堅。賊怒，決白馬之口水大梁，磨滄而旋入，不辨牛馬。公大呼集舟師，日夜涖渚之間，所活吏士父老子婦以人數至數十萬。他物稱是，諸得免者獻珍異，終已不顧，其急病高潔行類此。倉卒上下魚書，手批口答，敏如劉領

軍，公餘興復不淺，往往鞍馬間爲文，壯掠遒勁，龍虎風雲走其下。又喜客，軍中賓舍日滿，然簡傲卿大夫，多易諸貴顯在己之右。俗借交爲奸狀，公初不以爲意，少貴顯而令貴顯多，公不能也。故公所造士多名臣，出更事如老吏。先後被公不能者乘豐、沛、南陽之運，卿販繒，吹簫。給事食開國勳，而公流落不偶，旋起旋罷以死。李廣不侯，曹翰子道乞食，非以亭長江州罪明矣，尚何言哉！公來自汴，齊撫以桑梓屬公，表公兼二東都指揮使，以原官鎮歷下。會寇人都邑無主，公悉兵而南棧道木閣以戴金陵。朝廷錄公元功，進階後軍都督府左都督，充總兵官，佩鎮東將軍印。并督青兗二州軍，錫鼓吹大車，辟署便宜。公得攝靈

西北文集

卷九 行狀 誌銘 墓表

四六四

旗之柄，欲有所竟其志。時南北進退未決，誓爲國家圖興復，兵重處自請當之，撫百姓，結豪傑，叩囊底智，以其廟社君民之所倚重之身出死力規天下。他帥銜其間己，坐公貳，以公度遼舊將軍，遼大姓多故識也。公袒背視之，涅目光如電，無有扣閣執旛者。嗟乎！安平之譖九人，家令之仇十世，終縊殺之，棘扉而君相不知其冤。道濟死，吳子輩不足憚，始昭然於天下人耳目心口之間。嗚呼！丈夫遂由來以身許國之志，死即死耳！其氣浩然而獨存。此誠知所處等死，死或輕於鴻毛。陷公者今安在哉？世傳殷王之寶劍三：白馬、朱弓、彤矢，今當不復畏此鬼乎。初扣之除潤州李，掀髯北固，舉目感江之異，鬱鬱賚志以歿，距公逝先

月餘，竟成冥契。慟哉！公得年四十有七，生萬歷戊戌七月十二日，卒崇禎十七年甲申十一月二十六日。配王氏，同邑處士王彥輝女。子一，今年甫歲，公命名修齡，庶氏出，將門有將，殆班勇、王鎮惡其人，聘神池守備彭振女。女一，適名族。公天性豪宕任達，起家偏裨至大將，馬如羊而弗視，嘗謂男兒生以不成名，無以家爲死兒女手。人有贈千金者，立以散姻黨賓友之貧不能婚喪衣食與門下諸材官，一日都盡，橐中未嘗留一錢。朝夕堂上菽水，及食指米鹽檐褕缺，扣之代爲供。適周兵起代，公治大父、父喪事，世不多郭元振趣辦人五世諸柩，豈以平原母死內交乎？扣之與公相然信以死果然。公諳形家言，自爲贈公卜地於城

西北文集

卷九 行狀 誌銘 墓表

四六六

西十里，平野之高曠處，比淮陰信營葬，旁可容萬家。扣之亦效司空圖，卜地祖兆之西偏。憶公自爲誌有云，知己惟扣之。扣之亡矣，得使生爲友，死爲鄰，吁嗟滕公返其室，責在吾友。今葬公從贈公於新阡，去扣之兆不數弓，從公志也。日暮燐火合流乎壙，聽舒元輿、王涯接飯說興亡事，達曙分爲兩，兩人誠伯仲云。乃予獨自有感也。去三十里而難作，雖妻子割宅居，眉間釜且冷，將葬穴尸鄉厩置，恐海島客笑人。嗟乎！問石公無死友哉！橋玄墓雖遠，能使受知者涕洟。今以一銘當一劍，佟公豈有愛焉？謹狀。

誌銘

九首

奉政大夫耀州知州程公暨宜人合葬墓誌銘

耀州何以爵奉政？府丞降也。崑崙自京口丞皖，皖留獄連崑崙坐降。崑崙才適於用，出言爲章，加民爲政。不能畢其志爲有用之才臣，責降，降而議陞，不陞崑崙已矣。以今責備崑崙之才難爲用，豈其情哉！王季宅程，程內諸侯連畢陌，曰畢程。畢程先後仕晉，畢姓凡十一氏，程卒如初。自嬰迄鄭祖伯休，趙爲程置祭邑，程後仕趙仕樂，別祖中山、廣平，亦猶畢陽仕楚。畢程之孫在晉，狀程自河南遷晉，疑明道令晉城僑居，然譜載明道後微，自澤潞至於闕與、馬首、梗陽、鄔氏，何程之多也。墩篁綜四十四房，土斷江南，河南之支子遷客，別爲異望，西北程不詳，非

西北文集

卷九 行狀誌銘墓表

四六八

其祖矣。姓性也，姓其祖性其祖也。崑崙司空，諱啓南府君，父比部都官諱嘉績府君，各有傳。父子起書獄，禽獮盜賊，自出齊藩羨銀三十六萬，薙蓮妖，奏讞平江伯如實，先後怒逆璫棄官，不以富利勸其子若孫。崑崙諱康莊，弱冠親師取友，北面天下之賢者，習爲文章世事，講求錢穀、兵刑、律令、簿書，將爲知己者用。丙子拔於鄉人監，會學使爲直指誣逮，詣闕與同輩告冤，不以旄頭刺胸杜口，下尺一還其師。比部葬服除，走位林慮，刊其死友詩以傳。倪司成、錢宗伯兒子畜之，蔡撫軍國士遇之。撫軍殉晉，哭柩下，越十年吊唁吳越老人。天下知與不知無不悲其情。性其情才，情其性不才，吳章子弟更師，而翟門之賓客皆散，